

嘉
善
堂
叢
書

劉賓客文集

第四冊

劉賓客文集卷第二十四

七言五十六首

西塞山懷古

西晉樓船下益州金陵王氣漠然收千尋鐵鎖沈江底
一片降幡出石頭人世幾回傷往事山形依舊枕寒流
今逢四海爲家日故壘蕭蕭蘆荻秋

陽山廟觀賽神

梁松南征至此遂爲其神在朗州

漢家都尉舊征蠻血食如今配此山曲蓋幽深蒼檜下
洞簫愁絕翠屏閒荆巫脈脈傳神語野老娑娑啟醉顏
日落風生廟門外幾人連踢竹歌還

漢壽城春望

古荊州刺史治亭其下有子胥廟兼楚王故墳

漢壽城邊野草春荒祠古墓對荆榛田中牧豎燒芻狗
陌上行人看石麟華表半空經霹靂碑文纔見滿埃塵
不知何日東瀛變此地還成要路津

後梁宣明二帝碑堂下作

玉馬朝周從此辭園陵寂寞對豐碑千行宰樹荊州道
暮雨蕭蕭聞子規

荊州道懷古

南國山川舊帝畿宋臺梁館尙依稀馬嘶古樹行人歇
麥秀空城澤雉飛風吹落葉墳宮井火入荒陵化寶衣
徒使詞臣庾開府咸陽終日苦思歸

朗州寶員外見示與澧州元郎寧郡齋贈答長

句二篇因而繼和

結廬朱氏臘鈐叢書

鴛鷺差池出建章，綵旗朱戶鬱相望。
新恩共理犬牙地，昨日同含雞舌香。
白芷江邊分驛路，山桃蹊外接甘棠。
應憐一罷金闈籍，枉渚逢春十度傷。

蚤春對雪奉寄澧州元郎中

新賜魚書墨未乾，賢人暫屈遠人安。
朝驅旌旆行時令，夜見星辰憶舊官。
梅蘂覆階鈴閣燠，雪峯當戶戟枝寒。

甯知楚客思公子，北望長吟澧有蘭。

竇朗州見示與澧州元郎中早秋贈答命同作
鄰境諸侯同舍郎，芷江蘭浦恨無梁。
秋風門外旌旗動，曉露庭中橘柚香。
玉簾微涼宜自晝，金笳入莫應清商。

騷人昨夜聞題鳩不歎流年惜眾芳

衢州徐員外使君遺以縞紵兼竹書箱因成一

篇用答佳貺

按此郡本自婺州析置徐州自台州遷

爛柯山下舊仙郎列宿來添婺女光遠放歌聲分自紵
知傳家學與青箱水朝滄海何時去蘭在幽林亦自芳
聞道天台有遺愛人將琪樹比甘棠

唐秀才贈端州紫石硯以詩答之

端州石硯人閒重贈我應知正草亥闕里廟堂空舊物
開方龕下豈天然玉蟠吐水霞光靜綵翰搖風絳錦鮮
此日傭工記名姓因君數到墨池前

覽董評事思歸之什因以詩贈

幾年油幕佐征東，卻泛滄浪狎釣童。敲枕醉眠成戲蝶，
抱琴閑望送歸鴻。文儒自裏膠西相，倚杖能齊塞上翁。
更說扁舟動鄉思，青菰已熟奈秋風。

松滋渡望狹中

渡頭輕雨灑寒梅，雲際溶溶雪水流。夢渚草長迷楚望，
夷陵土黑有秦灰。巴人淚應猿聲落，蜀客船從鳥道回。
十二碧峯何處所，永安宮外是荒臺。

揚州春夜李端公益張侍御登段侍御平仲密

縣李少府賜祕書張正字復元同會於水館對

酒聯句追刻燭擊銅鉢故事遲輒舉觥以飲之
逮夜艾羣公沾醉紛然就枕余偶獨醒因題詩

卷二十一
於段君枕上以志其事

寂寂獨看金燼落紛紛只見玉山積自羞不是高陽侶
一夜星星騎馬回

逢王十二學士入翰林因以詩贈

時貞元二十一年王以藍田

尉充
學士

廄馬翩翩禁外逢星槎上漢杏難從定知欲報淮南詔
促召王褒入九重

闕下口號呈柳儀曹

絲仗神旗獵曉風雞人一唱鼓蓬蓬銅壺漏水何時歇
如此相催卽老翁

監祠夕月壇書事

其禮用畫

西皞司分晝夜平羲和亭午太陰生鏗鏘揖讓秋光裏
觀者如雲出鳳城

戲贈崔子牛

學道深山許老人畱名萬代不關身勸君多買長安酒
南陌東城占取春

元和甲午歲詔書盡徵江湖逐客余自武陵赴
京宿於都亭有懷續來諸君子

雷雨江湖起臥龍武陵樵客躡蹠十年楚水楓林下
今夜初聞長樂鍾

江陵嚴司空見示與成都武相公唱和因命同
作

南荆西蜀大行臺幕府旌門相對開名重三司平水土
威雄入陳役風雷彩雲朝望青城起錦浪秋經白帝來
不是郢中清唱發誰當丞相掞天才

徵還京師見舊番官馮叔達

前者恩恩襍被行十年顚願到京城南宮舊吏來相問
何處淹留白髮生

故洛城古牆

粉落椒飛知幾春風吹雨灑旋成塵莫言一片危基在
猶過無窮來往人

元和十一年自朗州承召至京戲贈看花諸君

子

紫陌紅塵拂面來無人不道看花回玄都觀裏桃千樹
盡是劉郎去後栽

再遊玄都觀絕句

并引

余貞元二十一年爲屯田員外郎時此觀未有花是歲
出牧連州尋貶朗州司馬居十年召至京師人人皆言
有道士手植仙桃滿觀如紅霞遂有前篇以志一時之
事旋又出牧今十有四年復爲主客郎中重遊玄都蕩
然無復一樹唯免葵燕麥動搖於春風耳因再題二十
八字以俟後遊時大和二年三月

百畝中庭半是苔桃花靜盡菜花開種桃道士歸何處
前度劉郎今又來

望夫石

正對和
州都樓

終日望夫夫不歸化爲孤石昔相思望來已是幾千載
只似當時初望時

金陵五題

并引

余少爲江南客而未遊秣陵嘗有遺恨後爲厯陽守跂
而望之適有客以金陵五題相示迺爾生思歎然有得
他日友人白樂天掉頭苦吟歎賞良久且曰石頭題詩
云潮打空城寂寞回吾知後之詩人不復措詞矣餘四
詠雖不及此亦不孤樂天之言爾

石頭城

山圍故國周遭在潮打空城寂寞回淮水東邊舊時月

夜深還過女牆來

烏衣巷

朱雀橋邊野草花
烏衣巷口夕陽斜
舊時王謝堂前燕
飛入尋常百姓家

臺城

臺城六代競豪華
結綺臨春事最奢
萬戶千門成野草
只緣一曲後庭花

生公講堂

生公說法鬼神聽
身後空堂夜不扃
高坐寂寥塵漠漠
一方明月可中庭

江令宅

南朝詞臣北朝客歸來唯見秦淮碧池臺竹樹三畝餘
至今人道江家宅

謝寺雙檜

揚州法雲寺謝鎮西宅古檜存焉

雙檜蒼然古貌奇含煙吐霧鬱參差晚依禪客當金殿
初對將軍映畫旗龍象界中成寶蓋鴛鴦瓦上出高枝
長明燈是前朝燄曾照青年少時

韓信廟

將略兵機命世雄蒼黃鍾室歎良弓遂令後代登壇者
每一尋思怕立功

秋夜安國觀聞笙

織女分明銀漢秋桂枝梧葉共颺颺月露滿庭人寂寂

霓裳一曲在高樓

洛中寺北樓見賀監草書題詩

高樓賀監昔曾登
壁上筆蹤龍虎騰
中國書流讓皇象
北朝文士重徐陵
偶因獨見空驚目
恨不同時便伏膺
唯恐塵埃轉磨滅
再三珍重囑山僧

聞韓賓擢第歸覲以詩美之兼賀韓十五曹長

時韓牧永州

零陵香草滿郊坰
丹穴雞飛入翠屏
孝若歸來呈畫讚
孟陽別後有山銘
蘭陔舊地多纔結
柱樹新枝色更青
爲報儒林丈人道
如今從此鬢星星

寄楊八壽州

風獵紅旗入壽春滿城歌舞向朱輪八公山下清淮水
千騎塵中白面人桂嶺雨餘多鶴迹茗園晴望似龍鱗
聖朝方用敢言者次第應須舊諫臣

李賈二大諫拜命後寄楊八壽州

諫省新登二直臣萬方驚喜捧絲綸則知天子明如日
肯放淮陽高臥人

和

宣上人遠寄賀禮部王侍郎放榜後詩因而繼
禮闈新榜動長安九陌人人走馬看一日聲名徧天下
滿城桃李屬春官自吟白雪銓詞賦指示青雲惜羽翰
借問至公誰印可支郎天眼定中觀

贈東嶽張鍊師

東嶽真人張鍊師高情雅淡世間希堪爲烈女書青簡
久事元君住翠微金縷機中拋錦字玉清壇上著霓衣
雲衢不要吹簫伴只擬乘鸞獨自飛

祕書崔少監見示墜馬長句因而和之

麟臺少監舊仙郎洛水橋邊墮馬傷塵汙腰閒青駁綬
風飄掌上紫遊轄上車著作應來問折臂三公定送方
猶賴德全如醉者不妨吟詠入篇章

寄楊虢州與之舊姻

避地江湖知幾春今來本郡擁朱輪阮郎無復里中舊
楊僕卻爲關外人各繫一官難命駕每懷前好易沾巾

玉城山裏多靈藥擺落功名且養神

秋日題竇員外崇德里新居

竇時判
度支案

長愛街西風景閑到君居處暫開顏清光門外一渠水
秋色牆頭數點山疏種碧松通月朗多栽紅藥待春還
莫言堆案無餘地認得詩人在此閒

蒙恩轉儀曹郎依前充集賢學士舉韓湖州自
代因寄七言

翔鸞闕下謝恩初通籍由來在石渠暫入南宮判祥瑞
還歸內殿閱圖書故人猶在三江外同病凡經二紀餘
今日薦君嗟久滯不唯文體似相如

途次華州陪錢大夫登城北樓春望因覩李崔